

INFORMAZION

Cinc par mil pe Universitât dal Friûl

Ancje chest an si pues judà la Universitât dal Friûl cence spindi un franc. Cuant che si fâs la declarazion dai redits, al baste firmâ tal riquadri "Finanziamenti della ricerca scientifica e della università", e scrivi il codiç fiscâl de Universitât (80014550307) inte casele.

Aghe di cui?

Martars ai 31 di Mai aes cinc sore sere in vie Tomadini 30, te sede de Universitât dal Friûl, in viste dal referendum dai 12 e 13 Jugn si tignarà une conference dal titul "Aghe publiche o private? La cuistion dal maneg

des risorsis idrichis". A fevelaran catedratics e esperts de materie.

In vore la gnove organizazion

La Universitât dal Friûl e a metût in vore une gnove struture par disvilupâ lis relazions cul teritori e cul forest e prontâ servizis pai students. In graciis de gnove struture e je stade prontade ancje cheste pagine sul Diari.

Marcjât contadin

Al va indevant ogni vinars a buinore a San Sualt, inte sede de universitât il marcjât contadin, prin lûc di incuintri tra produtôrs e consumadôrs de nestre provincie, in vore dal 2008.

